

堅

瓠

集

堅瓠六集卷之四目錄

宣宗詩識

用舍有命

留趙村

徐神翁詩

赤腳大仙

元順帝

日月並行

宋元帝像

續詩得官

四輔聯詩

詠雪

黃衣人

醉學士歌

金陵殿基

勲臣譖語

門貼福字

象鼻岩

好漢把門

順帝答詩

千里草

廣業堂

僧附舟

家字從豕

江東籤

預題一詩

河北童謠

命不如他

建文雲游

武廟凱歌

宣德對句

文班十玉

黃老白丁

兄弟友愛

東坡文集

王陽明勿頴

陽明遇仙

女鬼歌詞

六尺五尺

長年三老

三姑六婆

吟詩被遣

寫桂花

東道主

酒保

客作客支

臭

了頭

女客

乖角

滯貨

夫兄

布代

檀郎

鄉里夫妻

弄叅軍

優伶子弟

惡客

骨董

倭儼

好漢漢子

藉苴

重刻褚石農堅瓠集卷之四

宣宗詩議

甬上留香閣主人較刊

唐宣宗微時以武宗忌之遁踪爲僧一日  
遊方遇黃蘗禪師同觀瀑布黃蘗咏一聯  
云千巖萬壑不辭勞遠看方知出處高下  
韻不接宣宗續之曰溪澗豈能留得住終  
歸大海作波濤後竟踐大位然自宣宗以

後接懿僖之世寓內不靖其作波濤之語  
豈非識耶

用舍有命

唐宣宗微行盧渥過於滄水逆旅渥意貴  
人歛身避之帝呼與相見自稱進士盧渥  
帝袖其詩卷而去後對宰臣語及渥令主  
司擢第又賈島爲僧居法乾寺宣宗微行  
取島詩卷覽之島攘臂奪去帝慚遂除島

長江簿溫庭筠亦遇宣宗於逆旅不識龍  
顏傲然詰之曰公非長史司馬之流帝曰  
非也又曰得非六叅簿將之類帝曰非也  
明日謫方城尉制詞有徒負不羈之才罕  
有適時之用句竟流落而死三人皆遇宣  
宗而用舍不一雖云自取天實爲之也○  
夢蕉詩話孟浩然從王維入翰林院適立  
宗至見之詢其所作誦曰不才明主棄多



病故人疎帝曰卿自棄朕朕何棄卿後孟  
貫見周世宗詢其所作誦曰不伐有巢樹  
多移無主花世宗曰朕伐罪弔民何謂有  
巢無主二子皆不蒙錄用王欽若少寒窘  
依幕府時章聖以壽王尹開封晚過其家  
見紙屏題詩一聯云龍帶晚烟歸洞府雁  
拖秋色過衡陽甚愛之曰此語落落有貴  
氣遂召見與語後擢致相位

留趙村

隨煬帝時術者言睢陽有王氣五百年當  
有天子興後帝遣麻叔謀開汴河至睢陽  
民獻三千金乞護此城叔謀自睢陽西穿  
渠南北回屈東行過留趙村連延而去後  
五百年宋藝祖以歸德節度使起爲天子  
與留趙之名相符矣

徐神翁詩

宋高宗在潛邸遇道人徐神翁甚禮敬之  
神翁臨別獻詩曰牡蠣灘頭一艇橫夕陽  
西去待潮生與君不負登臨約同上金鰲  
背上行當時不能詩意後避金人之難將  
游於海次章安鎮停舟灘上以避晚潮問  
舟人曰此何灘曰牡蠣灘遙見雲木中有  
閣巋然問居人曰此何閣曰金鰲閣高宗  
登焉見壁間有神翁前詩在墨跡猶新

赤腳大仙

宋真宗無子嘗於宮中祝天求嗣上帝以  
問諸真唯赤腳大仙一笑旣而宮人李氏  
誕生仁宗旣生哭不止真宗揭榜通衢有  
能止太子啼哭者厚賞之有道士至闕言  
能止兒啼真宗召入以手撫之曰莫斗莫  
斗何似當初莫笑哭遂止少時在宮中所  
看鞋襪悉去之禁中皆呼爲赤腳仙入初

帝生時李后榻下生靈芝四十二葉後享  
國四十二年民安物阜天下稱治每於進  
士開喜宴必以詩賜之景祐元年所賜詩  
未句云寒儒逢景運報國合如何山東李  
庭臣嘗見瓊管夸人有持錦臂繡鬚於市  
者上織詩一聯云恩袍草色動仙籍桂香  
浮乃景祐五年賜進士詩也庭臣以十金  
易之作小屏几硯間云

元順帝

世傳元順帝爲宋少帝顯子明宗乞爲子  
文宗崩得立水東日記載詩云皇宋第十  
六飛龍元朝降封瀛國公元君召公尙公  
主時承賜宴明光宮酒酣伸手扒金柱化  
爲龍爪驚天容元君含笑語羣臣鳳雛寧  
與凡禽同侍臣獻謀將見除公主泣淚沾  
酥胸幸脫虎口走方外易名合尊沙漠中

是時明宗在沙漠締交合尊情頗濃合尊  
之妻夜生子明宗隔帳聞笙鏞乞歸行宮  
養爲嗣皇考崩時年甫童元君降詔移南  
海三年乃歸居九重憶昔宋祖受周禪仁  
義綽有三代風至今兒孫主沙漠吁嗟趙  
氏何其隆觀此則順帝爲瀛國子無疑但  
此詩沈石田爲虞集作而郎仁寶錢牧齋  
皆以爲余應作未知孰是

日月並行

庚申君嘗召術士問國祚修短對云國家  
千秋萬歲不必深慮除是日月並行乃可  
憂耳至正戊申九月高皇兵克通州庚申  
君聞報率后妃太子夜半開建德門北去  
而元遂正日月並行乃明字隱語也

宋元帝像

永樂間袁尙寶忠徹侍上看歷代帝皇像



看到宋祖上曰果然面方耳大英武之至  
至真宗而下則曰諸像清癯如今時太醫  
樣一般秀一作皆是看元世祖曰北人南相  
至元列帝像曰皆是吃綿羊肉郎主及順  
帝像則曰此又如太醫樣何也袁不能對  
乃講述於符臺外集後賜老歸田得觀史  
傳暨虞集第十六飛龍之詩始知容貌之  
相類果符文皇之言

續詩得官

西園雜記明高皇定鼎後時微行以察民情一日登某寺樓值雨倚檻賦詩曰微微細雨灑斑竹陣陣輕風吹落花吟數次欲結之久未就一士在旁續之曰獨倚闌干閒眺望乾坤都屬帝王家高皇大喜問其履歷對曰某下第舉人也回宮卽勅吏部官以要職以試官遺才悉奪聘禮而罪之

四輔聯詩

高皇遊西苑命四輔官杜穀龔穀趙民望  
李祐吳源待宴相與聯句高皇首唱云踞  
盤龍虎肇豪英杜云五色卿雲炫日明吳  
云王氣瑩然垂景象龔云民風樂爾見昇  
平趙云山河百二金陵最李云宇宙千秋  
帝業成高皇復云暗憶六朝興替事杜云  
禎祥來盡又加禎此見西園雜記末句意

不相屬當用君臣交倣以保有王業接第  
七句便有虞廷君臣交相責勉氣象矣

詠雪

高皇未嘗讀書而操筆成章野史載雪詩  
云臘前三日曠無涯知是天公降六花九  
曲河深凝底凍張騫無處再乘槎其一統  
洪基兆此矣又嘗咏新雨云片雲風駕雨  
飛來頃刻凭看遍九垓檻外近聆新水響

遙空一碧見天開其維新之治卽此可見

黃衣人

洪武三年中書右丞王溥奏稱督採材木  
於建昌蛇古巖見黃衣人歌曰龍盤虎踞  
勢崑崙赤帝重興勝六朝八百年餘王氣  
復重華從此繼唐堯其聲如鐘萬衆聳聽  
請宣付史館以彰符瑞高皇以爲不足信  
視天書封禪者遠矣

醉學士歌

高皇覽川流之不息陋尹程秋水賦言不  
契道乃親爲賦召羣臣各撰賦以進宋濂  
率同列鋪叙成章詣東閣投獻高皇親覽  
評品高下已而賜坐勅大官進膳內臣行  
觴濂素寡飲高皇強之至三觴面如頰神  
氣遐漂若行浮雲中高皇笑曰朕爲卿賦  
醉歌侍御捧黃綾案高皇揮灑如飛成楚

詞一章曰西風颯颯兮金張特會儒臣兮  
舉觴目蒼柳兮裊郊閣澄江兮水洋洋爲  
斯悅而再酌美清波兮永光玉海盈而馨  
透泛瓊牟兮銀漿宋生微飲兮早醉忽周  
旋兮步驟踴踴美秋景兮共樂但有益於  
彼兮何傷洪武八年八月七日甲午午時  
書復命濂自述一詩濂既醉勉綴五韵字  
不成行列高皇命編修朱佑重書以遺濂

曰卿藏之以示子孫見一時君臣契合共  
樂太平之盛濂拜謝高皇更勅侍臣應制  
賦醉學士歌者四人考功監丞華克勤給  
事中宋善方徵彭通聞而續賦者五人秦  
府長史林溫太子正字桂彥良翰林編修  
王璉張唯典籍孫贊云

### 金陵殿基

高皇建都金陵命劉誠意相地築前湖爲



正殿基業已植椿水中上嫌其逼少徙於後誠意見之默然上問之對曰如此亦好但後不免遷都之舉時金陵城告完高皇與誠意視之曰城高若此誰能踰之誠意曰除非燕子能飛入耳其意蓋謂燕王也高皇又問誠意國祚短長誠意曰國祚悠久萬子萬孫方盡後泰昌萬曆子天啟崇禎弘光皆萬曆孫也果符其識

勲臣諳語

海內旣平高皇嚮意文士諸勲臣不平上  
語之曰世亂用武世治宜文非偏也勲臣  
進曰是固然但此輩善譏訕初不自覺且  
如張九四厚禮文儒及請其名則曰士誠  
上曰此名甚美荅曰孟子云士誠小人也  
高皇由此覽天下所進表章而禍起矣

門貼福字

高皇嘗於上元夜微行時俗好爲隱語相猜以爲戲樂乃畫一婦赤脚懷西瓜衆譁然高皇就觀心已諭之曰是謂淮西婦人好大脚也於是使人以福字私貼守分之門明日召軍士大戮其無福字者蓋馬后淮西人故云至今除夕猶以福字貼門

象鼻巖

天台陶中立 凱陪便殿高皇從容問居地

形勢凱以象鼻岩對且曰臣鄉人張竹屋  
題云曾入蒼舒萬斛舟至今鼻準醮清流  
君王玉輅催行駕安得身間拌白鷗一日  
高皇御五鳳樓工部進吞船之枝羣臣侍  
觀皆以見吞對凱見獨不然高皇問之凱  
曰臣惟見繞船走耳高皇疑之凱後致仕  
自稱耐久道人高皇曰何自賤也尋坐罪  
賜死

好漢把門

孤樹哀談南京孝陵城西孫權墓在焉當  
築城時有司奏欲去之高皇曰孫權也是  
一好漢子且留他來把門遂得不毀○戒  
庵漫筆鳳陽皇陵初建時量度界限所司  
奏民家墳墓在旁者當外徙高皇曰此墳  
墓皆吾家舊隣里不必外徙如在陵域者  
春秋祭掃聽民出入無禁

順帝荅詩

至正二十二年順帝一夕夢大豕決都城  
而覆因禁軍民畜猪比明兵至下林順帝  
召百官議戢守計忽有二狐自內殿出順  
帝歎息卽開建德門北去駐應昌高皇馳  
書開示禍福順帝因荅詩云金陵使者渡  
江來漠漠風烟一道開旺氣有時還自息  
皇恩何處不昭回信知海內皆王土亦喜

江南有俊才歸去誠心煩爲說春風先到  
鳳凰臺

千里草

高皇初作孝陵於鍾山之陽因山多鹿禁  
人捕獵設孝陵衛於山下置牧馬千戶所  
蓋取義鹿馬欲其蕃息耳所旣置矣尙虛  
典守之職偶因微行至陵所歸途遇雨憇  
於民家問其姓名曰董茂聖意遂注曰千

里草馬鹿所宜卽拜爲千戶以典斯牧子  
孫世掌所印門牆每壞官府爲之修葺

### 廣業堂

大學之制廣業堂最在後監生出入走班  
在六堂諸生之後遂有朝朝滿背日夜夜  
一頭霜之嘲後有解嘲者大書于壁曰勲  
業重開靖遠伯甲科累出狀元郎嘗聞聖  
祖遺言在有福兒郎到此堂相傳高皇至



廣業堂見學制宏麗歎曰有福兒郎應得  
居此後居此堂者多得魁選躋貴要

僧附舟

劉誠意基至京朝謁一僧求附舟時方作  
表有句未就多所沉思僧曰有何事在念  
基曰表中蹉跎歲月六十有三未有對僧  
隨荅曰何不言補報朝廷萬分無一劉驚  
起曰和尚非高峯平笑語移日別去

家字從豕

高皇微行見一民婦飼猪上微笑內豎誤  
以上悅此婦及入宮孝慈問駕所經內豎  
述其事孝慈以金帛賜其夫取婦侍上上  
屢目之曰此婦似曾見之孝慈曰卽前日  
禁街飼猪者妾以聖情所悅故令入侍上  
笑曰誤矣我見此婦飼猪因悟古人製字  
之意家字從山從豕言無豕不成家也不

集 卷四 三  
覺有契於心故笑非爲此婦也厚賜遣歸

江東錢

高皇初起兵渡江偶爾旄折見江東神廟  
石固有木可伐將伐之廟祝言神籤頗靈  
可問之高皇從其請得籤曰世間萬物皆  
有主非義一毫君莫取總然豪傑自天生  
也須步步循規矩遂不伐明朝小史云高  
皇怒其不許乃取其訣本送開聖堂之至

今關帝江東籤比本籤訣更靈

豫題一詩

高皇欲文臣優禮武臣一日將宴百官豫  
題一詩命武臣習之至日羣臣應制作詩  
而武臣遂首倡云皇帝一十八年冬百官  
筵宴正陽宮大明日出照天下五湖四海  
春融融羣臣知上意皆謝不能

河北童謠

堅瓠集

卷四

七

河北童謠云塔兒黑北人作王南人客塔  
兒紅朱衣人作主人公洪武戊申六月彭  
德路天寧寺塔忽變紅色自項至踵表裏  
透徹如鍛鐵初出於爐有光三日乃止

命不如他

高皇至太學厨人進茶稱旨詔賜冠帶一  
老生遂吟曰小載寒窓下何如一盞茶上  
聞之謂曰他才不如你你命不如他

建文雲游

宣德壬子建文雲游至公安宿蕭寺佛堂  
之左頃一道者來與帝不接一語止堂之  
右復一道者來晚帝而至西偏見先來道  
者因拊掌曰爾在此遂共坐夜漏將三鼓  
但聞語聲不知所言何事言罷繼之以泣  
晨起俱去帝悔未詢其故見地上遺紙有  
郭良梁中節字帝因作蕭寺黃冠夜泣詩

壬子春正十三日寺遇黃冠不相識結蒲  
炷杖坐西偏低頭不語意自閒亡何一人  
復冠簪髮黃面皺多愁顏拊掌遽驚還歎  
息漏分但聞聲唧唧似懷萬斛愁難傾哀  
援夜叫寒鴉泣余腸縈結詎堪言布衾濕  
透皆淚痕晨興往探詢其苦兩公蹤跡雲  
無根空餘蟬斷字數箇依稀恍是亡臣名  
我欲把毫悉胸臆水凍筆花寫不得

武廟凱歌

武宗嘗自易名爲壽命所司給御馬監太  
監天字一號牙牌與之正德戊寅二月巡  
邊還文武官具陣詞以迎其文曰恭惟總  
督軍務威武大將軍朱員出類之奇才抱  
超羣之絕藝以聖賢之德專將相之權時  
因小醜跳梁遂率大軍征討深思遠慮後  
殿前驅陣方布於疆場賊已落於陷穽上



以安乎社稷下以慰乎臣民操御之精湯  
武與之同烈戰攻之妙孫吳爲之下風福  
及當年慶流後裔班師有待觀示無疆某  
等欲罄愚心同呈俚語詞曰曉來聽得平  
胡報工賈士農開口笑一鞭傾倒虎狼巢  
萬騎踏平荆楚道旌旗旋邊奏繳凱歌回  
光九廟將軍福力重如山萬國千邦人倚  
靠右調寄玉樓春

宣德對句

永樂時端午節車駕幸東苑觀擊毬射柳  
自皇孫諸王及四夸朝使以次擊射太孫  
年十二連發皆中上喜勞之曰今日華夸  
畢集朕出一對汝輩對之萬方玉帛風雲  
會太孫對曰一統山河日月明上大喜賜  
予甚厚

文班十五

景泰初九列皆加太子少保而塩山王朝  
泰和王直並爲吏書時有滿朝皆少保一  
部兩尙書之語○舊制文班玉帶不過五  
條六卿罕腰王者正德二年八月十四日  
加恩諸元老內閣則李少師東陽焦芳王  
鏊二少傅六部則冢宰許進司徒顧佐宗  
伯李傑司馬劉宇司寇屠勲司密李鏐屠  
濬以吏書起復兼左都御史皆賜玉帶文

班遂至十王陸儼山云李焦以吏書居內閣許掌部事屠兼左都可謂六卿皆玉帶吏部四尚書矣

黃老白丁

舊制翰林院學士惟一人多或三五人弘治壬戌劉文靖健欲示德因修會典成一時陞學士者十人又禮部尚書一時有六人謝遷以禮書居內閣張昇爲禮書掌部

事元守直以禮書掌通政事賈斌以禮書  
掌鴻臚事崔志端以禮書掌太常事并南  
京禮書王宗彝六人崔起神樂觀道士京  
師語曰禮部六尙書一員黃老志端疑此  
語出自翰林乃對曰翰林十學士五箇白  
丁蓋倪進賢等五人成化戊戌萬安以私  
意選爲庶吉士在翰林未嘗讀書館課詩  
文一出人手以故人共嗤之

兄弟友愛

唐隴西馮用和二子長友仁次友義讀書  
明理友義繼室陳氏出也兄弟睦若同母  
所生陳氏分愛憎屢肆長舌一日謂用和  
曰二子不知稼穡可會治生用和召二子  
諭曰仁貿易天涯義董治家事仁卜日啟  
行乃吟一絕別弟云十里河橋蔓草青片  
帆瞬息短長亭不禁又作天涯客愁觀郊

原有鵲鴒義亦吟云手足分攜腸斷時開  
山千里共相思此行願促歸鞭早莫待枝  
頭叫子規仁經商數月歸見弟甚歡自是  
連年營獲悉歸父篋母欲分鬻仁泣曰父  
母俱存兄弟無故何忍析居陳氏厲聲曰  
汝私藏不分必欲困乏其弟也義泣諫不  
從仁知不可奪乃罄身逃去題詩壁上云  
呼號三諫信言難義利分明一念間莫謂

求名沽世譽清風千古首陽山義見詩鳴  
咽徧訪無踪數日仁又寄一律云義心旣  
重利心輕分異何垂手足情糗飯自飭虞  
舜樂採薇獨守伯夷清析居不忍從親令  
退遜甘當矯世名賢弟晨昏勤定省莫因  
流落念而兄義愈感傷踵韻和云勢利鴻  
毛眼底輕異君忍背雁行情薛包讓德千  
年烈太伯存仁萬古清棄禮亂倫趨薄俗



堅瓠集

卷四

三

分門割戶總浮名懸懸早發歸家念並奏  
塤箎樂弟兄義思之至忘寢食徒步尋覓  
得於華山白雲庵見兄泣拜百計勸解仁  
曰父母恩同天地吾負罪在逃本非矯世  
亦望親心感悟耳始歸用和知二子義讓  
深咎陳氏陳氏曰友仁恐發私藏盍檢點  
之用和搜其篋笥皆書卷無他物也用和  
悔悟陳氏亦感化焉

東坡文字

鏡古錄宣和間申禁東坡文字甚嚴有士人竊攜東坡文集出城爲闖者所獲執送有司見集後有一詩云文星落處天地泣此老已亡吾道窮才力謾超生仲達功名猶忌死姚崇人間便覺無清氣海內何曾識古風平日萬篇誰愛惜六丁收拾上瑤宮京尹義其人且畏累已乃陰縱之

王陽明切類

王陽明守仁字伯安年十一時過金山寺  
海日與客酒酣賦詩未成陽明從旁曰金  
山一點大如拳打破維揚水底天醉倚妙  
高樓上月玉簫吹徹洞龍眠客大驚異復  
使賦蔽月山房詩隨應曰山近月遠覺月  
小便道此山大於月若人有眼大如天還  
見山小月更濶益奇

陽明遇仙

王伯安初授刑部主事博學有文好談神仙後改兵部正德丁卯抗疏攻言官戴銑等忤瑾拜杖謫貴州龍場驛丞行至錢塘憇勝果寺夢使者持書二緘啟之一書滄浪之水清兮二句并伍員名一畫水上覆一舟題屈平字覺而未喻越三日有二軍校至言有旨賜汝死伯安告校曰少緩須

史留詩於世乃以紙展几上題二律云學

道無成歲月虛天平致此意何如身曾許

國慚無補死不忘親恨有餘自信孤忠懸

日月豈論一作知遣骨葬江魚百年臣子悲

何極夜聽濤聲泣子胥敢將世道一身

擔顯被生刑萬死甘滿腹文章方有用百

年臣子獨無慚泪流歸海今真見片雪填

溝舊亦談昔代表冠誰上品狀元門第好

奇男更有告終詞一篇不錄二校縛至江  
邊投于水伯安初入水卽得覆舟負之不  
溺凡七晝夜所見皆如夢中舟偶及岸見  
一老人率四卒來云汝何致此解縛登岸  
伯安拜謝且問老人此是何處老人曰福  
建界也伯安欲老人送至福建老人曰此  
去福建尚遠當送君往廣信乃命四卒舁  
之共往不半日已至廣信矣詣一僧寺僧

聞其名延款甚恭伯安囑僧先飯四卒且  
請老人來僧覓之皆不見詢之知自岸至  
此傾刻已千里始信爲神祐也食罷僧達  
郡邑皆館穀之遂赴龍場璋放陞廬陵知  
縣仕至贑州巡撫以討宸濠功封新建伯  
○西樵野記云伯安題詩畢卽赴水俄二  
童子雖依以行須臾至一洞口捲珊瑚簾  
有二叟對奕騁從女樂及明珠白璧皆平

生所未覩與叟對奕聯句浹旬而別入武夷山遇一道者自稱舊識邀至中和堂主人處盤桓數日主人乃仙翁也臨行作詩送之云十五年前始識荆此來消息最先聞君將性命輕毫髮誰把綱常重一分寰海已知誇令德皇天終不喪斯文武夷山下經行處好把清尊對夕曛

女鬼歌詞



吳中舊事雍熙寺中月夜常有婦人往來  
廊廡間歌浣溪紗詞且哭且歎聞者就之  
輒不見好事者錄其詞云滿目江山憶舊  
遊汀花汀草弄春柔長亭艤住水蘭舟好  
夢易隨流水去芳心空逐曉雲愁行人莫  
上翠京樓士子慕容巖卿見之驚曰此余  
亡妻所作人無知者君何從得之客告之  
巖卿悲歎曰此寺蓋其族柳所在也

六尺五尺

焦氏筆乘周禮鄉大夫之職國中自七尺  
以及六十野自六尺以至六十有五皆征  
之韓詩外傳國中二十行役則七尺者二  
十也其升降皆五年則論語托六尺之孤  
十五也孟子五尺之童乃十歲○春風堂  
隨筆仲尼之門五尺童子羞稱五霸古以  
二歲半爲一尺五尺是十二歲以上十五

歲則稱六尺與焦說小異若嬰身不滿三尺是以律起尺矣周尺準今八寸二尺四五寸豈成形體當是極言其短耳曹交九尺四寸以長準今七尺五寸餘

長年三老

賓退錄陸放翁入蜀記載其父入泚見舟人焚香祈神云告紅頭須小使頭長年三老莫令錯呼錯喚問何謂長年三老云梢

工是也長上聲按少陵詩長年三老歌聲  
裏及長年三老選憐汝則是唐已言之矣  
○按蔡夢弼云峽中以舟師爲長年舵工  
爲三老鼠璞云海壩以篙師爲長年今古  
詩話川陝以篙手爲三老輟耕錄海舶中  
以司舵者曰大翁揔推一船之最尊者言  
之耳今吳中謂之駕長

三姑六婆

輟耕錄三姑者尼姑道姑卦姑也六婆者  
牙婆媒婆師婆度婆藥婆穩婆也按卦姑  
今看水碓鳧鳥龜筭命之類師婆今師娘  
卽女巫也藥婆今捉牙虫賣安胎墮胎藥  
之類但度婆未知何所指魏仲雪釋西廂  
亦不載後見沈留侯年伯稱號篇方言謂  
賊爲虔虔婆猶言賊婆也人家有此必爲  
奸盜之招故比之三刑六害不許入門

吟詩被遣

洪武間臨安錢宰被徵至京纂修尚書會  
選孟子節文暇日微吟日四鼓夔夔起着  
衣午門朝見尙嫌遲何時得遂田園志睡  
到人間飯熟時察者以聞明日文華殿燕  
畢帝進諸儒諭曰昨日好詩然曷嘗嫌汝  
何不用憂字宰等驚悚謝罪未幾皆遣還  
寫桂花

瞿宗吉少不爲父所知鄉人章彥復自福  
建檢校回瞿翁設鷄酒待之宗吉年十四  
自學舍歸彥復指鷄爲題宗吉應聲云處  
宗窓下對談高五德聲名五彩毛自是范  
張情義重割烹何必用牛刀彥復稱賞手  
寫桂花一枝題詩其上瞿君有子早能詩  
風采英英蘭玉姿天上麒麟元有種定應  
高折廣寒枝贈之瞿翁遂構傳桂堂

# 東道主

世稱主人爲東道者蓋本鄭人謂秦盡舍  
鄭以爲東道主以鄭在秦之東也又王僧  
辨討侯景晉州刺史魯廣達出境迎接資  
奉軍儲僧辨謂沈炯曰魯晉州亦是王師  
東道主人又漢光武時常山太守鄧晨請  
從擊邯鄲光武曰偉卿以一身從我不如  
以一郡爲我北道主人他日又指耿弇曰



是我北道主人也又彭寵反朱浮對光武  
曰大王倚彭寵爲北道主人今旣不然北  
史魏孝武謂成陽王曰昨得汝主簿爲南  
道主人唐鄭餘慶爲嶺南節度與羅讓善  
鄭還朝薦讓讓至謂鄭鄭指讓語座客曰  
此吾南道主人史傳之間獨未聞西道主  
人之說耳今人但知有東道主而鮮知有  
北道南道主者

酒保

鵬冠子曰伊尹酒保立爲世師酒保之名始見於此亦猶韓非目伊尹爲庖宰也

客作客支

吾鄉罵奴曰客作曰客豬初不省其義讀西京雜記康衡勤學邑有大姓家富書籍衡乃與客作得書徧讀之又魏畧焦光饑則爲人客作飽食而已不取其直乃知俗

語所自客豬無所出偶見山東州縣冊籍  
土著人丁之外另有客支一項謂客居附  
籍者疑誤而爲客豬也

鼻

余氏辨林吳俗諱奴爲鼻解者曰粧門面  
耳或曰象鼻能觸人豬鼻善掘地義取生  
事云皆臆說也按契丹罵漢兒作十里鼻  
猶言奴僕也目奴爲鼻當起於此

# 丫頭

留青日札今呼侍婢曰丫頭言頭上方梳  
雙髻未成人之時卽漢所謂偏髻茅也劉  
賓客詩花面丫頭十三四春來綽約向人  
時爲白香山小樊而作花面者未開臉也

# 女客

桐薪吳俗稱婦人爲女客蓋有自來宋玉  
高唐賦昔者先王游高唐怠而晝寢夢一

婦人曰妾巫山之女也爲高唐之客

垂角

俗矣聰慧小兒曰垂角菽園雜記世稱警  
悟有局幹人曰垂角于兵部奏內常用之  
然未見所出宋朱或可談載都下市井謂  
不循理者爲垂角七修類藁垂角不曉事  
意引韓退之親朋頓垂角爲証古與今意  
正相反末識何故

## 滯貨

閱耕餘錄俗謂不合時宜者曰滯貨出世  
說註謝安鄉人有罷中宿縣者安問其歸  
資曰嶺南凋弊惟有五萬蒲葵扇又以非  
時爲滯貨安乃取其中者提之於是士庶  
競慕價增數倍俗作遲貨

## 夫兄

容齋三筆婦人呼夫之兄爲伯於書無所

載予頃奉使金國時辟景孫弟輔行弟婦  
在家許齋醮及還家賽願予爲作青詞云  
頃因兄伯出使夫壻從行雖借用陳平傳  
兄伯之語而自不以爲然偶憶爾雅釋親  
篇曰婦稱夫之兄爲兄公夫之弟爲叔於  
是改兄伯字爲兄公玉篇姁字音中注云  
夫之兄也然於訓義不若前語按五代史  
補李濤弟濬娶婦竇氏出叅濤答拜濬曰

新婦叅阿伯豈有谷禮則是居未已有此  
稱容齋謂書無所載豈以稗官小說爲不  
足徵信耶○公字搜採異聞錄作公字

### 布代

潛居錄馮布少時絕有才幹贅於孫氏其  
外父有煩瑣事輒曰畀布代之至今吳中  
謂贅壻爲布代又猗覺寮世稱贅壻爲布  
袋謂如身入布袋氣不得出也或云人家



有女無子恐世代自此而絕不肯出嫁招  
壻以補其世代○俗又呼補代爲野猫謂  
啗妻而去也疑作野冒卽補代之意

檀郎

顧茂倫有孝曰詩詞中多用檀郎字不知  
所謂解者曰檀喻其香也後閱賀謙益李  
長吉詩註云潘安小字檀奴故婦人呼所  
歡爲檀郎然未知何據

鄉里夫妻

俗語云鄉里夫妻步步相隨言鄉不離里  
如夫不離妻也西溪叢話云古人稱妻曰  
鄉里沈休文山陰柳家女詩云還家問鄉  
里詎堪持作夫鄉里謂妻也南史張彪傳  
我不忍令鄉里落他處

弄叅軍

復齋漫錄薛能贈吳姬詩樓臺重疊滿天

雲殷殷鳴鼉世上聞此日楊花初飛

一作似

雪女兒絃管弄叅軍又本朝張景景德三年以交通曹人趙諫升爲房州叅軍景爲崖壁記畧曰近制州縣叅軍無員數無職守悉以曠官敗事違戾政教者爲之凡朔望饗宴使與焉若人見之必指曰叅軍也嘗爲其罪矣至於倡優爲戲亦假爲之以資玩笑况真爲者乎宜爲人之輕視而狎

侮也按段安節樂府雜錄戲弄叅軍始自  
後漢館陶令石耽有賊犯和帝惜其才免  
罪每宴樂令衣白夾衫命優伶戲弄辱之  
經年乃放後爲叅軍掾唐開元中有李仙  
崔善此戲明年特授韶州司正叅軍又五  
代王建時王宗侃謫維州司戶叅軍曰要  
我頭時斷去誰能作此措大官俳優弄叅  
軍○戲瑕唐肅宗譙于宮中女優弄假戲

有緣衣秉簡爲叅軍者天寶末蕃將鞠布  
恩伏法其妻配入掖庭因隸樂工令爲叅  
軍之戲公主諫以爲不可遂罷戲而免阿  
布恩之妻因話錄所載甚詳薛能詩可証  
女優粧束矣輟耕錄直以叅軍爲後世副  
淨云開元中黃幡綽張野狐善弄叅軍然  
則戲中孤酸皆可名叅軍也豈必副淨爲  
之哉

優伶子弟

角戲有生旦淨丑之名者樂記註謂俳優  
雜戲如獼猴之狀乃知生狴也猩猩也且  
狴也獼狴也莊子援獼狴以爲唯淨淨也  
廣韻似豹一角五尾丑狴也廣韻犬性驕  
謂俳優如四獸所謂獼雜子女也末猶末  
厥之末外猶買外之外○胡氏筆叢凡傳  
奇以戲爲稱無往而非戲也故其事欲悠

謬而無根其名欲顛倒而無實故曲欲熟而命以生也婦宜夜而命以旦也開場始事而命以末也塗污不潔而命以淨也凡此咸以顛倒其名也中郎之耳順而婿卓也相國之絕交而娶崔也荆釵之詭而夫也齊襄之幻而弟也凡此咸以悠謬其事也由勝國而迄國初一轍近爲傳奇者若良史焉古意微矣

## 惡客

留青日札黃山谷以不飲酒者爲惡客故  
云破卯扶頭把一杯燈前風味喚仍回高  
陽社裏如相訪不用閒携惡客來元次山  
亦云將船何處去送客小回南有時逢惡  
客還家亦小酣蓋以敗人清興故也○羣  
碎錄元結以不飲者爲惡客後以痛飲者  
爲惡客



骨董

留青曰札雅玩寶貨肆曰骨董鋪仇池筆記陸道士詩投醪骨董羹鍋內掘窖盤滷飯盃中蓋羅浮頽老取飲食雜烹之名骨董羹晦庵語類作汨董今稱古董○又稱人之出身好者曰骨董唐天寶初玄宗游華清宮有劉朝霞者獻駕幸甘泉賦有骨董雖短伎藝能長則又當爲骨董矣

樓羅

樓羅幹事之稱蘓鶚演義曰人能樓櫓羅  
綰謂之樓羅樓字從手作樓爾雅云樓聚  
也義通但酉陽雜俎天寶中進士有東西  
棚各有聲勢稍儉者多會于酒樓食畢羅  
故有樓羅之號然梁元帝風入松辭云城  
頭綢雀樓羅人著一云城頭綢張雀樓羅  
會人著及南史項歡傳蹲夷之儀樓羅之

辨則知樓羅之言非始於唐又談苑載朱  
貞白詩有太樓羅並用樓羅字惟五代史  
漢劉銖惡史弘肇楊邠於是李業譖二人  
於帝而殺之銖喜謂業曰君可謂樓羅兒  
矣鶴林玉露樓羅俗言猾也歐公五代史  
間書俗語甚奇○湘烟錄劉鋹在國春深  
令宮人鬪花凌晨開後苑各任採擇少頃  
勅還宮鎖花門膳訖普集角勝負于殿中

官士把關宮人出入皆搜懷袖置樓羅曆  
以驗姓名法制甚嚴時號花禁員者獻要  
金要銀買燕

### 好漢漢子

詢薦錄漢武帝征伐匈奴二十餘年馬畜  
卒重墜殞羅極聞漢兵莫不畏者稱為漢  
兒又曰好漢○老學庵筆記今謂賤丈夫  
曰漢子蓋始於五胡亂華時北齊魏懷白

殷驎常侍遷青州長史固辭文宣帝怒曰  
何物漢子與官不就此其証也

藟苴

今人謂人作事不中道理者曰藟苴藟郎  
假切苴音鮓黃山谷集藟苴泥不熟也中  
州人謂蜀人不循軌轍者曰川藟苴考韻  
書無藟苴有藟藟藟盧下切讀作喇藟除  
瓦切音鮓